



DEO OPTIMO MAX.  
UNI ET TRINO,

VIRGINI DEI - PARÆ, ET S. LUCÆ,  
Orthodoxorum Medicorum Patrono.



## QUÆSTIO MEDICA,

QUODLIBETARIIS DISPUTATIONIBUS,  
*manè discutienda, in Scholis Medicorum, die Mercurii quintâ  
mensis Januarii, anno Domini M. DCC. XLVI.*

M. DAVID VASSE, Doctore Medico,  
M. ANTONII PEPIN, Regis Consiliarii & in  
Portu Brestensi Medici Primarii, vices  
gerente, Præsides.

*An pluribus, quàm quodlibet organum, obnoxius morbis, Oculus?*

### I.



CULUS [ Microcosmi Microcosmus alter: cujus gratiâ,  
omnia diversi generis creata sunt in Cœlo luminaria, in  
Terrâ verò ignes, luces, & Phosphori nascuntur, ex qui-  
bus fluunt fiuntque diversi, licet similes in se ex quâ tra-  
hantur materiâ, colores, quorum varietate in plano abs-  
cedentia, eminentiæ, concava depicta in conspectum prodeunt: alte-

A

rius quod Tactus vocatur, spatii commensurandi ergò, organi confors: Animæ sicut totius & vultûs speculum: Extima primo intuitu, intima verò sive ratione ex Morali, sive ex methodicâ ab Anatome experienciâ, scrutans quæ patitur homo: Affectionum, quæ à manifestâ nervorum per omnia membra sympathicâ distributione excitantur, author ipse: More suo & quàm eleganter vocem cum intentione significandi æmulans: Eorum, quæ typis, chartæ, calamo stilo mandantur, aut parietibus tabellisve quâlibet calaturæ specie repræsentata finguntur, intelligentiam clarè edocetur: Maximam lacrymarum vim effundendo mendax, dùm intus, si præsertim Comœdiam egerit, lætitiâ afficitur, & animo gaudet, errorem simulans, & versa vice, &c.] est totum visionis instrumentum, aut organum quo visio propriis suis fit partibus. Oculi tanta est dignitas utilitas & excellentia ut ejus structura & actio miranda spectanti veniat: cum autem omnium quæ ad caput pertinent partium, & vim à cerebro influentem recipiunt, nulla tam & gravibus & variis pateat casibus quàm Oculi, qui magnam partem ad vitæ simul & usum & dulcedinem conferat, summa tuendi cura [ quæ hujusce Theſeæ & objectum & finis] Medicorum est. Locum, situm, texturam, partes, imò Anatonem mirè exararunt plures Authores quos recensere hîc prolixiùs esset. At Oculi, inquit Patinus, pars tantula tot morbis subjicitur ut vix constet de numero. Etenim. Oculi ex naturâ sua exiguior, exilior, debilior omnibus aliis organis: Pluribus functionibus gaudet: Quâ utrâlibet utrâque imò ratione pluribus obnoxius morbis etiam computando demonstratur.

## II.

**E**XILITAS [ quâ, in Physicis, si crescant parva, majora fiunt: In Medicinâ, si curentur quæ sunt infirma, roborantur: In Moralibus quæ debilia, si bona, operantur fortiter ] est sui objecti modo virtutis debilitas, modo organorum exiguitas, modo utriusque infirmitas, ad intrâ, ad extrâ, quòcumque, semper & quolibet aut saltem quodam modo, fortiori obnoxia: Non sic admodum evenit oculo, si ad illam utramque exilitatem Physicam nempe aut *iatricam* spectetur, sed vice versâ: Crescat homo pedibus sex & amplius, amplior, proportionem servatâ, non fit oculus, minor imò nonnunquam etiam in gigante, eoque sæpiùs exilior, quò caput, si suâ propriâ-

que extensionis formâ abnorme deveniat: quò autem massâ constat grandior Oculus, eò obtusior acie. Quod universim observandum, unde physica virtutis debilitas: Si medicè lustreris Oculum, nec robore firmiorem futurum speres cum convaluerit, ast languidiorem deprehendes functionibus; futuro aptiorem morbo judicabis. Quibus nam etenim Oculi structura conflatur? Membranâ, nervo, liquidis: Tange non nihil membranam, dolorem excitas; Nervum distrahe leviter, spasmus illicò, imò paralyfim, apatheian creas: Liquida submoveas, turbabuntur; adeò hæc exilior materies. Nec dicatur Sclerotica robustior membrana, Albuginea itidem crassa; quæ quidem ambæ ni aliarum respectu membranarum valentiores existimentur, quia intimis & essentialibus hujus organi instrumentis, Meningum ad instar intrâ Orbitam sicut cerebro Cranium, Theca audiunt. Si aliorum sensuum cætera numeres organa, hæc infirma quidem curioso videbuntur indaganti præ cæteris totius corporis humani partibus; at si utraque ad Oculum conferas, omnibus tibi totus hic naturâ sua exilior, levior, debilior, infirmiorque habebitur. Nervi optici suâ expansione, quæ levitas! Aliorum nervorum perreptantium distributione, quæ exilitas! Capsularum quibus continentur humores, quæ exiguitas! Diversarum membranarum, ut Uvæ, principiorum ciliariorum, duas in aquis Cameras inter, quæ raritas! Oculo igitur nullum imbecillius organum.

## I I I.

3

**F**UNCTIO [cujus tot diversa munera, quot diversæ naturæ; diversa temperamenta, & horum diversi habendi se modi] est proprietas manens in suâ essentiâ, quæ actionis est causa absolutè & relativè necessaria. Visio est propria specifica & essentialis Oculi actio quæ quàm multiplex infandum: si, quæ obijciuntur Oculo, consideres; si quibus videtur organa rimeris; si ex istâ binâ objecti scilicet & organi mutuâ applicatione numeres quæ sequuntur effecta; immensum opus refugit mens. Primum quidem; quot diversa corpora visui objecta quæ colore & figurâ diversis, diversa efficiuntur objectivè? Tantus est diversarum coloris specierum numerus ut earum nomina proferre omnium linguarum nulla potis; adeò est objecti & coloris eorundem ad se invicem applicatorum diversa positio, situs, aspectus, ut ex multifariâ alterutrius aut utriusque combinatione nascatur.

A ij

4

tur dissimilium cohors ingens! Quid 2°. de lucis qualitate, quantitate diversis aut utriusque mistione, aut objectorum ad se approximatione, elongatione, dispersione: Ad diversitatem luminis, Sol, planeta, cometa, stella, flamma, ignis, phosphori, tonitrua, lampades; Ad quantitatem aut mistionem lucis hæc omnia eodem veniunt; ad corporum diversè positorum, ex quibus mirè reflectantur, refringanturque colorum radii, situm & medium per quod transeant isti, quot visibiles oriundi recidunt species! 3°. Quot & quanta ex oculi fabricâ dispari, dispar & videndi causa: si ægrotat Oculus, si senex, si liquidorum diversa coloris, materieci, liquiditatis diatheses genera, quis hanc ab ista visionem toto cælo differre negabit. 4°. Ex diverso objecti ad organum habitu vix usque dum varii in mentem cadunt ex arte modi. En alius Oculis utendi modus; cum alterutroque Oculo totam & omnem videndi facultatem obtineat natura, quidam sapientes, assiduâ lectione nimium defatigati alterutroque vice versâ nictitando utuntur admodum. Addam quatuor sensibus aliis ex mirabili inter se analogiâ quid sui communicare Oculum aut gerere vices. Num Oculus experientiâ jam digito factâ de tactili iudicat qualitate? Num de corporis commensuratione figurâ, &c. Si agatur de sono, nûm ex moto corpore quodam modo, ex tumultu arenarum, fluctuum, undarum, ex hominum conflictu & aliis diversis, si tangantur, sonoris organis auguratur ex sequelâ clamorem, sonitum, murmur, fragorem, stridorem, clangorem, strepitum sentiri aut saltem existere. At Odor & Gustus Oculo cõtituntur - ne? Cõtituntur quidem. Videat Oculus Rosam, eam amaram, quia palatum prægu-  
stavit, & odore suavem quia nares prius odorati, æstimabit iudex. Immensum ergo quàm organum hoc pluribus gaudeat functionibus!"

#### IV.

**M**ORBUS [ vitæ non semper hostis: Naturæ error nusquam: Casus fortuiti nonnunquam effectus: Sapè in vitæ ratione abusus: Medicantis fortè deliramentum; intus, extrinsecus, utrimque feriens: Quibusque ætati, sexui, quâque regione, tempestate, multifariam oppetens: Propterquem honorandus ex necessitate Medicus: Cujus gratiâ Medicinam creavit OMNIPOTENS, &c. ] est diathesis actionem lædens: Una solaque mala dispositio plures occupat partes aliquando; aliquando & plures unam; & si una plures sapè

deturpat partes, una raro unam disturbat affectio, quam si jamjam non adsunt, sequuntur citò & plura symptomata: Hæc cujusque generis communis scilicet & proprii exempla prostant in Oculo quem undique & circulatim, causæ, morbi, & effecta unanimi appellant concursu: Huic, quàm cuique alteri organo, citiùs, frequentiùs, multipliciùs insunt adveniunt nascuntur morbi quorum ingens extat numerus, cujus quidem ratio non strictè reposcenda, quippe quæ Thesæus limites & temporis spatia prætergrediatur, ne inopportuna pariat tedium computatio quæ incepta nec finiatur. Si hujus organi morborum fontes ex mole, figurâ, duritie, motu hauriantur, quot, licet communia, causarum, inde morborum simul & symptomatum, imò horumce trium unâ recurrentium & versâ vice genera affatim deducenda quis enarrabit? Malè afficiatur utcumque Oculus, totius corporis sentinarum Cloacina est: Si plethora, si cacochymia, si febris, si lochiorum, menstruorum, hæmorrhoidum, ulcerum, corysæ, alvi fluxuum nonnihil suppressio, pœnas luet insons. Si, ut curetur ipse, postea in partes revehere, repellere, reducere vitia; aut ibidem alterari in animo est, quid, quando, quâ ratione, quonâm pote. In humoribus modò sumpsit exordium morbus, modò in solidis, modò in utrisque; nunc similis, nunc organica affectio: si consideretur ratione causæ, subjecti, temporis, effectûs, statûsque fiunt pejora prioribus symptomata: Ad unum solumque licet tam diversæ videndi organum organi quælibet collinant particulæ externæ, internæ, imò & necessariò circumstantes, orbita, pinguedo, glandula, vasa, nervi, muscoli, membrana, fibræ ciliaræ, humores diversi, aqueus, crystallinus, vitreus, &c. Horumce omnium ne unumquidem excipiendum, quò plures & genere diversi producantur morbi, quorum unâ solâque particulari affectione vitietur organi functio, imò quandoque ipsamet deturpetur, destruaturve organum: Hinc Oculi morborum nomenclatura si recenséatur, lectores patientia animique decet attentio. Totius globuli aut ejusdem partis ritè procedunt inflammatio, dolor, tumor, pro diversitate particulæ erosio, pressio, protrusio; ossium orbitæ caries, exostosis; aliarum partium mollium abscessus, ulcera, fistulæ, carcinomata, canceri, unde depravatâ oculi figurâ, tribus unove alteratis humoribus, mutatur visûs axis, & radiorum collectio in suo turbatur circuitu; si glandulæ pravas fundant lacrymas, quæque sit earum diathesis, si mala, aut eas reforbentia vasa recipi minus apta, in palpebris inflatio, inflammatio, conglutina-



tio, concretio, suppuratio, grandinosis, glandularum sebacearum diversa affectio; hinc visionis turbatio, Oculorum sordes, eorum aciei retusum acumen, humorum perversio, &c. Si caruncula, si limbi, si foramina lachrymas absorbentia quaque de causâ vitientur, alii generantur speciei diversæ morbi, visûs obscuratio, lachrymarum in genas effusio, harum erosio, inflammatio, lachrymalis fistula, sacci nasalis obstructio, erosio & alia quamplurima concomitanter circumstantia mala; Si corneæ aut albugineæ membranæ numeres contrâ naturam, quæ ex variis diversisque causis accidunt & morbi & symptomata; sese sistant, sarcosis, cicatrix, unguis, perla, panniculus, albugo, cartilago, obscuratio, dealbatio, œdema, incrassatio, phlyctenæ, &c. quibus visio sæpius depravatur, impeditur sæpè, aboletur nonnunquam. Si aqueus humor deficiat, transparens corrugatur cornea, marcescit Oculus: Si non renovatus humor iste stagnet, putrescit Oculi fabrica, aut saltem deturpatur admodum; si abundantior, tunc tumor, dolor, in elephantinam molem excrecentia, &c. Si ejus mutetur color quot diversarum affectionum quanta soboles: Si uxor eadem quæ supra, sed minus sensibilia præ partium tenuitate, ophthalmiâ dolet Oculus, quâ visio quot causis inde afficiatur tot inde multiplicato numero sequantur effecta. Crystallini, vitrei humoris, retinæ ipsiusmet, nervi optici & horumce meningum morbi iterum atque iterum augescunt eundo; unde stupendum quod eodem quo veritatem opinantur mortales, & rerum existentiam sentiunt potiusquàm eorum naturam intelligunt, eodem organo hallucinatio, fallacia, confusio, hebetudo, strabismus, luscitas, visio nocturna icidem diurna, & sexcenta alia morborum genera, quæ si autores legeris computaturus, morborum iliadem habebis; eos maxime autores pervolas, qui Græcâ scripsere linguâ, quâ mirum in modum, morborum etymologia & causa sæpius aut natura, aut eorumdem symptomata, aut locus, modus, tempus, &c. uno vocabulo graphice explicantur, exprimuntur, describunturque ut exempli causâ, *ἡμεραλωπία, νυκταλωπία, ἀμβλυωπία, μυωπία, προβωπία, ἀμαύρωσις, ρινοπτία, &c.*

**T**A N T I ergò æstimandum Oculi opificium, quanti valet ejus energiea, ex quâ mirabilis facta est ARTIFICIS scientia, qui infirma elegit organa ex quibus tam multiplices educerentur effectus: Ast neque infirma organa, neque eorum multiplices effectus veritatis olores dicent. Quid respondendum? Nos ipsismet plura dicemus. Si physicè loquamur, Oculum totum quantumque prorsus & partim firmis stare partibus, ossibus occlusum, musculis mobilem, diversis intrâ liquidis repletum, putamen fortius atque validius bombyce sumus affirmaturi, imò nervis, membranis, generis cujusque vasis colligatum affabrè: Si tandem Oculum Medicè consideremus, quot quantisque subjacet morbis: Num imbellis miles qui tot trucibus atque diris se sistit. hostibus; quot ærumnæ, insidiæ vitandæ, bella ferenda sustinendaque prælia: Naturâ ergo suâ, inquietus, & functionibus & penè infinitis quibus subjacet morbis valet oculus? Præstò sit responsum. Hæc oratoria, non physica, quantò minùs Medica; ideò cum suprâ scriptæ recidunt probationes, aufugit objectio. Instabunt Medici, non quidem, sed medicastri; cui bono Thesis hæc? Documentum pro responso habeant: Ideo proponi Oculum pluribus quàm quodlibet organum, obnoxium morbis, ut 1°. ipsi oculo [ quia penè infinitis & quidem levibus suâ structurâ implicatur partibus ] studeatur. 2°. Ut ipsi oculo [ quia quàm plurimis fungitur muneribus ] consulatur: 3°. Ut tandem ipsi oculo [ quia pluribus quàm quodlibet organum opprimitur morbis ] Medicè succurratur. Hanc Thesis qui gnarus legerit, ipsam Oculi compendium, & ejus morborum specimen ex hypothesen syndrome judicio confirmabit. Dicent quidam genitalia in utroque sexu, sed maxime in sequiori exiguiora stare structurâ, pluribus functionibus suffragari, morbis subellè quàm plurimis: At discussionis, relationis, computationis instituat ratio, occidit error. Idem de qualibet quorumvis organorum parte censeatur, ut de pulmonibus, hepate, linguâ, &c. Quælibet Oculi affectio sæpius lædit visum, imò & Oculi œconomiam solvit, unde organi etiam viventis destructio, servatâ ejusdem ad instar Cadaveris materiaturâ. Si quis tandem nec naturâ debiliorem Oculum, nec pluribus functio-

nibus addictum procaciùs contenderet , tunc pacis causâ , ambo-  
bus concessis , ordinali numero & computatione demonstratur mor-  
borum pluralitas , unde sequitur.

*Ergò pluribus, quàm quodlibet organum , obnoxius morbis , Oculus?*

## DOMINI DOCTORES DISPUTATURI.

*M. Bartholomæus Marry;*

*M. Gaspardus Cochon du Pny ,  
in arce Maritimâ Rupisortien-  
si Anatomæ & Chirurgiæ Pro-  
fessor Regius.*

*M. Claudius de la Vigne de  
Precheville , Medicus Regis ,  
domus Regine nec non Sere-  
nissime Delphine ordinarius.*

*M. Carolus Payen;*

*M. Jacobus-Franciscus Vander-  
monde.*

*M. Joannes - Damianus Cheva-  
lier , Regis Consiliarius Medi-  
cus ordinarius in insulâ San-  
cti Dominici.*

*M. Tuffanus-Gilbertus Boulland ,  
Consiliarius Medicus Regis or-  
dinarius in ejus Castellato.*

*M. Jacobus - Albertus Hazon;*

*M. Emmanuel - Mauricius de  
Verney.*

Proponebat Parisiis, STEPHANUS POURFOUR DU PETIT, Parisinus, in  
Supremo Senatu Parisiensi Patronus, Saluberrimæ Facultatis Medicinæ Parisiensis  
Baccalaureus, A. R. S. H. 1746, à sextâ ad meridiem,